

ইত্তেফাক

২৩ জুন ২০০২

দুহা - ১৬

শ্রেনীসংখ্যা ৩৭৮.৮৪২২

ইস্ট ওয়েস্ট ভার্সিটির সেমিনারে বঙ্গারা ডিজিটাল পদ্ধতিতে তথ্য সংরক্ষণে লাইব্রেরীয়ানদের এগিয়ে আসতে হবে

বহুত্তর এশিয়া অঞ্চলে সমন্বিত ডিজিটাল লাইব্রেরী উন্নয়ন জরুরি বলে অভিমত ব্যক্ত করেছেন বিশিষ্ট শিক্ষাবিদরা। তারা ডিজিটাল পদ্ধতিতে তথ্য সংরক্ষণের ক্ষেত্রে লাইব্রেরীয়ানদের অগ্রণী ভূমিকা পালনের আহ্বান জানিয়েছেন। গত রবিবার রাজধানীতে ইস্ট ওয়েস্ট ইউনিভার্সিটি লাইব্রেরী আয়োজিত 'ডিজিটাল পদ্ধতিতে তথ্য সংরক্ষণ ব্যবস্থাপনায় এশিয়ার ডিজিটাল লাইব্রেরীগুলোর ভূমিকা' শীর্ষক এক সেমিনারে বঙ্গারা এ আহ্বান জানান। বিশ্ববিদ্যালয়ের মহাখালী ক্যাম্পাসে অনুষ্ঠিত এ সেমিনারে নিউজিল্যান্ড এর ভিক্টোরিয়া ইউনিভার্সিটি অফ ওয়েলিংটন এর ইনফরমেশন ম্যানেজমেন্ট স্কুলের প্রখ্যাত শিক্ষাবিদ প্রফেসর জি.ই. গরমেন এবং ডক্টর ডনিয়ল উরনার মূল প্রবন্ধ উপস্থাপন করেন। ইস্ট ওয়েস্ট ইউনিভার্সিটির প্রফেসর ও ভারপ্রাপ্ত উপাচার্য ড. মুনিরুদ্দিন আহমেদ সেমিনারের উদ্বোধন করেন। ইউনিভার্সিটির লাইব্রেরী প্রধান দিলারা বেগম ধন্যবাদ জ্ঞাপন করেন। সেমিনারে বিভিন্ন সরকারি এবং বেসরকারি ইউনিভার্সিটি, জাতীয় ও আন্তর্জাতিক প্রতিষ্ঠান, এনজিওতে কর্মরত লাইব্রেরীয়ানবৃন্দ এবং ইস্ট ওয়েস্ট ইউনিভার্সিটি-এর শিক্ষকবৃন্দ উপস্থিত ছিলেন।

সেমিনারে বহুত্তর এশিয়া অঞ্চলে ডিজিটাল লাইব্রেরীর উন্নয়নের ডিজিটাল সংরক্ষণ পদ্ধতির প্রধান বিবেচ্য বিষয়সমূহ নিয়ে আলোচনা করা হয়। ডিজিটাল লাইব্রেরী উন্নয়নে বাস্তব অভিজ্ঞতা এবং ডিজিটাল পদ্ধতিতে তথ্য সংরক্ষণের উপর প্রকাশিত প্রবন্ধসমূহের ভিত্তিতে বঙ্গারা বিষয়বস্তু উপস্থাপন করেন। এশিয়া অঞ্চলে সমন্বিত ডিজিটাল লাইব্রেরী উন্নয়নে কি করা উচিত, কি করতে হবে এবং কি কি বিষয়ের উপর জোর দেয়া দরকার সে বিষয়েও আলোকপাত করা হয়। - প্রেস বিজ্ঞপ্তি

